

嘉慶新修江寧府志

新修江寧府志卷之十五

賦役 糧運

明世自宣德間始以衛官領漕運通漕設把總十三員統轄軍衛官丁僨護漕船名爲運總江寧漕船係上元石城二總統轄上元總轄船十六帮石城總十五帮其兌江寧漕船曰上元中衛江寧帮曰江寧後衛上元帮曰鎮南衛句容帮屬上元總曰上元中衛上元帮曰江寧後衛後帮曰興武衛句容帮屬石城總運總在明季皆屬世職

國朝順治二年改各衛官每衛設守備一員輪運千總二

員隨帮一員把總職銜不便統束提調改運總爲都司
簽書副於順治十二年裁汰各帮以千總押運改上元
衛江寧帮爲江淮六帮船三十五隻在江寧溧水二縣
水次受兌改併江寧後衛上元帮江寧後衛後帮爲興
武衛九帮船二十四隻在上元江寧二縣水次受兌改
併鎮南衛上元帮鎮南衛句容帮爲江淮衛九帮船三
十九隻在上元句容水次受兌改上元衛上元帮興武
衛句容帮爲興武衛二帮船三十八隻在句容六合二
縣水次受兌乾隆九年因溧水縣改屬鎮江并撥去江
淮六帮僅畱船六隻併歸江淮九帮共船四十五隻在

上元江寧句容三縣水次受兌今皆照舊

現額起運正兌正米上元縣陸千捌百柒拾石叁斗玖升柒合叁勺加耗貳千柒百肆拾捌石壹斗伍升玖合江寧縣陸千叁拾捌石玖斗玖升肆合伍勺加耗貳千肆百拾伍石伍斗玖升柒合捌勺句容縣壹萬捌千玖百柒石貳斗壹升貳合叁勺加耗柒千伍百陸拾貳石捌斗捌升肆合伍勺江浦縣叁千伍百伍拾陸石捌斗叁升叁合柒勺加耗壹千肆百貳拾貳石柒斗叁升叁合伍勺六合縣壹千貳百肆拾肆石伍斗捌升玖合肆勺加耗肆百玖拾柒石捌斗叁升伍合捌勺

現額起運改兌正米上元縣壹千玖百肆拾柒石玖斗
貳升伍合柒勺加耗伍百捌拾肆石叁斗柒升柒合柒
勺江寧縣壹千伍百玖拾貳石柒升捌合肆勺加耗肆
百柒拾柒石陸斗貳升叁合伍勺勺容縣伍千叁百陸
拾石肆斗肆勺加耗壹千陸百捌石壹斗貳升壹勺江
浦縣壹千肆石壹斗玖合陸勺加耗叁百壹石貳斗叁
升叁合六合縣拾貳石壹斗叁升叁合陸勺加耗叁石
陸斗肆升壹勺

郡屬截畱漕糧內於嘉慶十三年撥出上元縣正兌米
壹百貳拾石壹斗貳升捌合捌勺加耗叁拾石叁升貳

合貳勺改兌米柒拾貳石柒升柒合貳勺加耗拾伍石捌斗伍升柒勺江浦縣撥出正兌米壹百柒拾玖石叁升貳合壹勺加耗肆拾肆石柒斗伍升捌合改兌米壹百柒石肆斗壹升玖合叁勺加耗貳拾叁石陸斗叁升貳合貳勺以抵徐郡銅蕭二縣正改兌漕糧一例起運江寧縣有起運南米貳百伍拾石

高淳溧水二縣漕糧折銀解司均不起運

現額徵給贈丁

州縣及衛
帮官運丁

五米上元縣陸百柒石伍斗

肆升叁合貳勺江寧縣伍百貳拾陸石貳斗壹升肆合捌勺句容縣壹千陸百柒拾壹石玖斗叁升捌勺江浦

縣叁百壹拾伍石壹斗壹升壹合六合縣捌拾柒石玖
斗壹升又因撥抵銅蕭二縣糧運於上元縣增出贈丁
米壹拾壹石玖斗肆合捌勺江浦縣增出壹拾柒石柒
斗肆升貳合壹勺解交江安糧道貯虎賁倉給補運費
現額徵給丁

漕船上官
丁運丁

行月米

官丁行糧
運丁月糧

上元縣壹千

壹百捌拾石陸斗壹升叁合伍勺江寧縣壹千叁百肆
拾柒石壹斗肆升叁合伍勺句容縣肆千伍百伍拾伍
石叁斗叁升壹合肆勺江浦縣貳百貳拾石陸斗肆升
伍合柒勺六合縣壹百貳拾陸石陸斗壹升柒合陸勺
又溧水縣額徵新陞米內有給丁行月折色米貳千玖

百柒拾壹石叁斗捌合壹勺均解交江安糧道貯虎賁
倉給發江淮九幫行糧壹千陸百貳拾陸石月糧陸千
肆百捌拾石興武貳幫行糧壹千叁百柒拾肆石月糧
伍千肆百柒拾貳石興武九幫行糧捌百柒拾石月糧
叁千肆百伍拾陸石

按前卷徵解漕糧款內有正改兌
及贈丁行月米石各數俱照乾隆
四十年賦役全書畫一登載嗣後
冊後冊荒增陞截撥各案
互出故漕運款目與前數不盡
相符因復查校現額纂
入此

卷

監兌官本郡管糧同知一員察驗縣收米色參酌各丁
贈費受兌畢統歸江安糧道押運赴都

郡屬每正兌正米壹石外加耗米陸斗陸升內除肆斗

隨船作耗餘米貳斗陸升其折銀壹錢叁分謂之六二
輕資每改兌正米壹石外加耗米叁斗貳升內除叁斗
隨船作耗餘米貳升折銀壹分謂之貳升易米折銀又
正改二兌每正米貳石派徵方蓆一領折銀壹分零又
每正兌正米貳千石派徵楞木一根折銀伍錢零松板
九片折銀肆錢零以上四款除蓆片楞木松板款內統
計折銀大數撥出十分之三交運官採辦本色赴部交
納外餘銀解江安糧道先漕解通以濟運務

江淮九幫興武二幫重運回空頭舵身工每名銀陸兩
貳錢水手身工每名銀貳兩玖錢係運丁自行雇募雍

正元年題明定價永遠遵行

關稅

明世竹木之稅屬工部故江寧於龍江設關曰上關其餘雜貨物之稅屬戶部故西新設關曰戶關至我

朝初沿明制龍江關差工部司官督理西新關差戶部司官督理康熙十年以西新并入龍江關康熙六十一年以來歸江寧織造專管而猶存戶工舊名以起稅額云原額龍江工關每年應徵竹木箒筏煤炭柴桶篋包箱等款稅正項銀共叁萬陸拾兩現額肆萬陸千捌百叁拾捌兩原額西新戶關每年應徵商販出城入城雜稅

及城外落地鈔船契牛羊鄉猪瓦屑竹木廠地租等款
稅正項銀共貳萬捌千叁百兩現額叁萬叁千陸百捌
拾肆兩

二關贏餘銀原係儘徵儘解令定額龍江關伍萬伍千
兩西新關叁萬叁千兩

二關原額應辦解部銅觔於康熙五十一年改由藩庫
給價其原辦銅水腳銀每銅一觔腳價五分改歸正項
一井解部龍江關應壹萬柒百陸拾玖兩貳錢貳分伍
釐西新關應柒千陸百玖拾貳兩叁錢貳分伍釐
大關稅口在郡城三山門外上新河關署前又郡界內

分設稅口局龍江關所分今凡六處曰河定橋稅口上元

縣地曰下關稅口曰大勝關稅口均江寧縣地曰青龍山稅口

句容縣地曰東壩稅口曰芮嘴稅口均高淳縣地西新關所分今

凡十九處曰聚寶門局曰太平門局曰通濟門局曰神

策門局曰洪武門局曰朝陽門局曰三山門局曰石城

門局曰儀鳳門局曰定淮門局十處附近郡城屬上元江寧二縣地曰上

方橋稅口曰觀音門稅口均上元縣地曰抽分廠稅口江寧縣地

曰龍潭稅口句容縣地曰石磧稅口曰浦口稅口曰江浦稅

口均江浦縣地曰王溝稅口曰趙溝稅口均六合縣地

新修江寧府志卷之十六

學校

古者先師無廟但立學校因事而釋奠焉後州縣建孔子廟因設爲學制雖異古而用意同也

國朝文治光昭禮樂明備大江以南尤臻作人之盛而金陵其都會也尊孔氏之正學明廣厲之寔效沐浴膏澤薰陶德性人才之生將於是瞻之作學校志

府儒學在府治北卽明之南國子監也洪武十四年詔建國子學於鷄鳴山之陽地在古臺城內左爲龍舟山右爲鷄鳴山其北則元武湖也十五年旣落成又改國

子學爲國子監左廟右學亭廡廳廂門堂號舍規模備矣洪熙元年建祭酒宅以後遷都北京南監漫漶剝落傾圯隨之景泰初祭酒吳節始疏請修成化中祭酒周洪謨王慎宏治中監丞陳旅皆嘗奏請重修宏治十六年吏部尙書羅欽順建司業宅正德十二年祭酒賈詠又率諸生捐資修葺學宮

國朝改爲府學順治九年總督馬國柱增修

聖殿旁設兩廡前立櫺星門戟門改彝倫堂爲明倫堂設志道據德依仁游藝四齋以國子監坊爲江寧府學坊康熙五年總督卽廷佐布政使金鉉督糧道周亮工

知府陳開虞修葺之十九年知府陳龍巖又修兩廡及七十二楹二十一年總督于成龍率同知朱雯修四碑亭及兩廡門欄二十二年知府于成龍教授謝允掄鄒延杞開濬泮池築屏牆嗣後四十五年織造曹寅五十五年布政使張聖佐雍正十三年總督趙宏恩相繼重修諸生又共捐銀一千三百兩存典生息歲時洒掃故歷久而常新焉

崇聖祠在學舍右 名宦祠在戟門東 鄉賢祠在戟門西 教諭宅卽明祭酒宅 訓導宅卽明司業宅 祀典

文廟崇祀孔子以四配十哲並朱子配享以先賢蘧氏
以下七十八人先儒公羊氏以下四十五人從祀各縣學同
崇聖祠崇祀孔子五代以先賢顏氏孔氏曾氏孟孫氏
配祀以先儒周氏程氏蔡氏張氏朱氏從祀各縣學同
謹按康熙五十一年奉

旨升祔先儒朱熹於殿內十哲之次改題其主曰先賢五十三
年以宋儒范仲淹從祀稱先儒雍正元年

諭內閣禮部加封

先師五世王爵肇聖王木金父裕聖王祈父貽聖王防
叔昌聖王伯夏啟聖王叔梁紇改啟聖祠爲崇聖祠兩

廡增宋儒張迪從祀三年

詔增先賢蘧瑗林放秦冉顏何牧皮縣直公都子樂正克公孫
丑萬章先儒鄭康成諸葛亮范甯尹焞黃幹陳淳何基
魏了翁趙復許謙金履祥陳澔羅欽順蔡清陸隴其從
祀升周敦頤張載程顥程頤邵雍爲先賢兩廡東廡首
蘧瑗西廡首林放列敘先賢先儒共一百二十三人位
次

祭器

至聖先師孔子位前 獻爵三 帛篚一 香盒一

毛血盤一 饌盤一 登一 鉶二 簠二 簋二

籩十 豆十 牛一 羊一 豕一 共俎太尊

一 犧尊一 象尊一 山尊一 雷尊一 著尊

三 彝一 斚一 茅沙池一 香鼎四 燭臺四

花瓶四 香盤一 香盒一 福爵一 胙盤一

罍一 洗一 燔爐一

四 配位前 各獻爵三 帛筐一 香盒一 毛血盤

一 饌盤一 鉶二 簠二 簋二 籩八 豆八

羊一 豕一 兩俎香鼎一 燭臺二

東哲六位前 各供爵一 鉶一 簠一 簋一 籩

四 豆四 共獻爵三 帛筐一 香盒一 毛血

盤一 饌盤一 羊一 豕一 兩俎壺尊一 香
鼎一 燭臺二 罍一 洗一
西哲同

兩廡共五十六壇 各供爵一 簋一 簋一 籩四
豆四 香鼎一 燭臺二 分獻六處各獻爵三
帛筐一 香盒一 毛血盤一 饌盤一 羊一
豕一 兩俎壺尊一 香鼎一 罍一 洗一
崇聖祠五王位前 各獻爵三 帛筐一 香盒一
毛血盤一 饌盤一 鉶二 簋二 簋二 籩八
豆八 羊一 豕一 兩俎香鼎一 燭臺二

共壺尊一 彝一 斝一 茅沙池一 福爵一

胙盤一 罍一 洗一 燔爐一

東配二位前 各獻爵三 帛筐一 香盒一 銅一

簠一 簋一 邊四 豆四 香鼎一 共毛血

盤一 饌盤一 羊一 豕一 兩俎燭臺二

西配同

從祀左右各一壇 各獻爵三 帛筐一 香盒一

毛血盤一 饌盤一 簠一 簋一 邊四 豆四

羊三體 豕三體 兩俎壺尊一 香鼎一 燭

臺二 罍一 洗一

后土祠前 獻爵三 帛篚一 香盒一 毛血盤一
饌盤一 簠一 簋一 籩四 豆四 豕首一
壺尊一 香鼎一 燭臺二 罍一 洗一
樂器

編鐘 編磬 琴 瑟 排簫 洞簫 笛
篪 管 笙 塤 鼗鼓 楹鼓 足鼓 搏拊
相鼓 鼗 提鼓 祝 敔 拍板以上八音樂器
翟 麾 手版以上舞器

恭惟

聖祖仁皇帝考定鐘聲頒發中和雅樂新磬七弦琴

御製律呂定義備載定聲之位固已集古今之大成矣江寧府學爲明之南雍

國朝之省會其樂器祭器雖經次第修整近頗殘缺嘉慶十五年兩江總督松筠江寧布政使史積容江寧府知府呂燕昭因舉行祀典目覩壞敝稽考禮器樂器遵闕里文獻之制籌款制備燦乎得所謹紀其端末以示後之司事者

樂章

康熙六年

聖祖仁皇帝作中和韶樂樂曲曰平國學釋奠迎神奏咸平辭

曰

大哉至聖峻德宏功敷文衍化百王是崇典則有常昭茲辟
雍有虔簋簋有嚴鼓鐘初獻奠帛奏寧平辭曰覺我生民陶
鑄前聖巍巍泰山實子景行禮備樂和豆籩維靜既述六經
爰斟三正亞獻奏安平辭曰至哉聖師天授明德木鐸萬世
式是羣辟清酒維醕言觀秉翟太和常流英材斯植終獻奏
景平辭曰猗歟素王示子物軌瞻之在前神其寧止酌彼金
罍惟清且旨登獻既終弗遐有喜徹饌奏咸平辭曰璧水淵
淵崇牙業業既歆宣聖亦儀十哲聲金振玉告茲將徹醴假
有成羹墻廡惕送神望瘞並奏咸平辭曰煌煌學宮四方來

宗甄陶胄子暨子微躬思皇多士膚奏厥功佐子永清三五
是隆至各郡縣則猶因明之舊樂未遑制作也

高宗純皇帝命廷臣增撰郡縣及闕里春秋四時旋宮之樂乾
隆八年

頒下各府州縣敬錄於後

迎神奏昭平之章

大哉孔子先覺先知與天地參萬世之師祥徵麟紱
韻答金縢日月既揭乾坤清夷

初獻奏宣平之章

子懷明德玉振金聲生平未有展也大成俎豆千古

春秋上丁清酒既載其香始升

亞獻奏秩平之章

式禮莫愆升堂再獻響協鼗鏞誠孚鬯獻肅肅雝雝
譽髦斯彥禮陶樂淑相觀而善

終獻奏敘平之章

自古在昔先民有作皮弁祭菜於論思樂惟天牖民
惟聖時若彝倫攸敘至今木鐸

徹饌奏懿平之章

先師有言祭則受福四海贊宮疇故不肅禮成告徹
毋疏毋瀆樂所自生中原有菽

送神奏德平之章

鳧繹峩峩洙泗洋洋景行行止流澤無疆聿昭祀事
祀事孔明化我蒸民育我膠庠

大成殿前左右碑亭舊四座一爲明洪武尊祀孔子之
碑一爲明永樂視學之碑一爲

國朝兩江總督馬廷柱題請改學之碑一爲

國朝順治九年

命禮部曉示生員臥碑康熙二十三年頒

御書萬世師表額二十四年頒

上諭十六條二十五年頒

御製至聖先師讚二十八年頒

御製四配顏子曾子子思孟子讚四十一年頒

御製訓飭士子文四十三年頒

御製平定朔漠告成太學碑文雍正三年頒

御製平定青海告成太學碑文又頒

御製萬言廣訓四年頒

御書生民未有額

詔春秋丁祭增用太牢乾隆五年頒

御書與天地參額十四年頒

御製平定金川告成太學碑文二十二年頒

御製平定準噶爾告成太學碑文二十四年頒

御製平定回部告成太學碑文三十四年頒

御製文廟碑文四十一年頒

御製平定兩金川告成太學碑文嘉慶四年頒

御書聖集大成額

學額

康熙二十八年定額七邑撥入府學二十五名大學二十名中學十六名小學十二名雍正元年定額人文最盛之地大學與府學同中學照大學小學照中學雍正四年定額武童歲科兩試額取府學二十名大學十五

中學十二名小學八名凡文武歲科兩試上元江寧句容皆大學溧水高淳皆中學江浦六合皆小學旗童學額

嘉慶四年準禮部行知駐防省分添設旗童於五六名內取進一名五年奉

上諭駐防新進生員交佐領約束於清語騎射加意訓習其月課文藝交府學閱看六年準禮部行知駐防旗學暫緩定額俟三屆歲科考試後再行核計生員人數辦理學租春秋二祀每年題定學房田租銀內動支四十八兩九錢以供祭祀其學租學田載後

一開墾上元縣清化鄉學田一百三

十一畝地十八畝荒地二畝四分房基場地三畝每年
納學租銀七兩四錢六分七釐四毫一設置官房平
市街行口佃房三間六披每年納學租銀七十兩八分
入釐一清出社學房地內常平倉河灘地一塊木
匠坊基地二間又溝披二間技藝坊社學地一塊
江東二廂學地一塊通濟門外學房一間地一塊
學地一塊披二間下街口學房一間地一塊廣藝街學
房四間披二間地一塊梳子廊學房三間正西一
二鋪學房三間馬府隔壁學房六間城中臨字鋪學
廂學房三間以上房地共十五處每年共給租銀一十九
地一塊以上房地共十五處每年共給租銀一十九
兩二錢六分三厘四毫終俱解赴學道衙門支銷順
兩八錢一分五釐四毫終俱解赴學道衙門支銷順
治十六年發銀三百兩分給典鋪取息二分歲計六十
兩每年令府學彙收分
賑三學貧生永著爲例

上元江寧縣學在府治東南秦淮上卽明應天府之府
學也宋雍熙中有文宣王廟在府西北冶城故基天聖

十年張士遜奏徙於府治之東南紹興九年葉夢得重建淳祐六年趙以夫增造兩廊以妥從祀元仍宋舊爲集慶路學明初改爲國學嗣後改建國子監遂以是爲舊國子學南雍志所稱以舊國子學爲應天府儒學者此也於是以上元江寧二縣學省入增二齋訓導及生員廩膳之數永樂六年廟學災宣德七年襄城伯李隆府尹史怡重建成化七年復燬提學御史嚴詮重建卽尊經閣爲後堂十六年府尹魯崇志建櫺星門宏治間府尹秦崇增置石隄障秦淮水正德九年府尹白圻繚以石檻嘉靖初都御史陳鳳梧平學後山重建尊經閣

十年增敬一亭十四年提學御史文人詮增置射圃觀
德亭萬歷十四年攝尹事周繼建青雲樓於學舍之北
建天下文樞坊及聚星亭於廟前

國朝改爲上江兩縣學其規模俱從府學制康熙五十四

年布政司張聖佐重修尊經閣五十八年江蘇按察使

李馥重建青雲樓雍正十二年教諭章玉樹重修嘉慶

十一年尊經閣燬布政使康基田重修

附記舊上元縣學在縣治東按

京城圖誌云存義街卽上元學基宋景定二年知縣龔蜚英建明初廢舊江寧縣學在縣治北宋

景定四年知縣王鏗建明初廢

文廟在明德堂前

崇聖祠在明德堂左

名宦祠在

儒學左 鄉賢祠在儒學右 上元教諭訓導宅在左

江寧教諭訓導宅在右

上元縣社學佃租 織錦坊五圖一 伎藝坊二圖一
南北場坊一 江東二廂一 三山門外莫愁湖一
生員居五處 聚寶門外濶子橋一 馬路街一
通濟門大街一 英府對廊一 廣藝街一 間廢五
處 糖坊橋一 下街口建安坊一 府
軍衛前所二鋪一 梳子廊一 倉巷一
江寧縣社學佃租 城南伎藝一廂一 城南鐵巷生
員居一 正東新廂一 儀鳳門一 城南路巷生
西舊廂常平倉左一 儀鳳門一
清江門一 以上二皆佃種

句容縣儒學在縣治南宋開寶中建皇祐二年太常博士知縣事方峻再建元豐二年令葉表以縣南驛改造紹興二十三年令龔濤修葺之元至大二年尹趙靖重

建至順四年達魯花赤那懷修建明德堂縣尹張士貴
重建

先師廟明洪武十二年知縣韓思孝修殿廡置齋室十
五年知縣韓宗器修明德堂永樂十年知縣徐大安增
修十五年知縣周庸教諭趙學拙建戟門正統八年知
縣韓鼎建會候堂立俸廩倉改文昌樓於學之東南景
泰間知縣浦洪劉義相繼重修東廡齋房燬於火遂重
新之成化十四年知縣徐廣重建大成殿兩廡戟門嘉
靖十六年知縣周仕重建三十二年應天府通判汪宗
之署縣事移名宦鄉賢祠於戟門左右四十年應天府

通判閔宜邵署縣事修

文廟四十五年應天府推官署縣事張夢斗知縣胡師
移建前數十步隆慶三年知縣周美建文星樓後改名
文昌閣萬歷元年知縣張道充復於學前開左右掖門
引水注泮池四十年提學御史熊廷弼議加高文星樓
樓第三層

國朝順治十年提學侍讀藍潤捐修正殿兩廡戟門文星
樓康熙十四年知縣林寔重修

文廟創建櫺星門石坊四十九年邑人重建文星樓雍
正二年邑人重建明倫堂暨存誠主敬二齋三年重修

大成殿四年重建崇聖祠乾隆六十年知縣任可舉訓導馮金伯成文燦暨邑人王周南裴於東重修並建尊經閣

文廟 崇聖祠在明倫堂後 名宦祠在戟門左 鄉賢祠在戟門右 教諭訓導宅在學宮右

學田一百三十畝店十間明提學御史問人詮知縣周仕置見應天府志

溧水縣儒學在大西門內宋熙寧二年知縣事闕起建於崇儒坊在大東門內元陞爲州學明復爲縣學知縣鄧鑑高謙甫相繼修葺正德間知縣何東萊重修文廟嘉靖十七年知縣陳光華因水患遷於京兆館東

知縣謝廷蒞成之三十九年知縣曾震教諭葉露卽朝
元觀基重建推官程學顏知縣周之屏成之萬歷五年
建屏牆於泮水二十八年知縣徐必道重修

國朝順治十三年知縣閔派魯教諭吳鼎玖訓導紀甲第
又重新之雍正十二年以大成殿東向知縣吳湘臯教
諭于偉烈訓導徐大業遷至今所改南向並兩廡名宦
鄉賢各祠祭器樂器戟門碑亭皆備乾隆四十年知縣
凌世御重建奎星閣又移建文昌閣於學宮前之東

文廟 崇聖祠在廟左 名宦祠在廟右 鄉賢祠在
廟右 教諭訓導宅在學宮右

學田共二百五十畝有奇明知縣高紳教諭李思置巡撫御史董鯉於選學時復爲經理而存之隆慶知縣賀一桂萬歷知縣傅應禎吳仕銓徐必達增置

考應天府志武德間溧水建宣聖廟於縣治東又資治通鑑武德七年詔州縣及鄉皆置學說者乃謂溧水學建於武德間按武德七年輔公祏猶據江南未必奉高祖之詔也且卽廟爲學古無其制古之謂學猶是州塾黨庠之制南史所稱宋立學於北郊命雷次宗居之者是也有事則釋奠於先師故歐陽文忠公云釋奠禮之至簡者也以廟爲學至宋神宗時始然舊唐書咸亨元年詔諸州縣孔子廟堂有破壞并先來未造者速事營

迨開元二十六年詔天下州縣每鄉一學仍擇師資令其教授唐之時廟與學固不得合爲一也爰識於後以備考

江浦縣儒學在城東明洪武十年創於浦子口城內知縣劉進董其事二十五年知縣仇存仁徙縣治於曠口山之陽遂遷學焉宣德初縣丞李文煥重修知縣嚴迪重修

先師殿景泰中知縣勞鉞重建明倫堂天順間知縣彭烈建戟門成化間教諭吾皞續修

先師殿知縣蕭育建櫺星門十年知縣林繼臯建啟聖

祠敬一亭二十五年知縣張峯建青雲閣三十年知縣
侯國治教諭吳讓鑿泮池改建啟聖祠及名宦鄉賢兩
祠文明樓明倫堂隆慶間知縣沈孟化改建啟聖祠知
縣王之綱重修明倫堂萬厯間知縣余乾正重建明倫
堂鄉賢祠知縣余夢麟王守正修文明樓崇正間知縣
李維樾重修明倫堂

國朝順治八年知縣劉天澤建彰賢育才坊康熙間知縣
徐龍光修建

先師殿明倫堂鄉賢祠知縣項維正教諭朱建策修建
天開樓知縣甘國埏教諭朱彰訓導王寵重修大門

文廟 崇聖祠在明倫堂東 名宦祠在戟門左 鄉

賢祠在戟門右 教諭訓導宅在學宮右

學田十頃有奇明知縣王之綱以絕戶餘田入學租三百六十石又按院宋燾贖銀五十兩置田塘二十四畝有奇租三十石督學徐鑒官銀一百兩置田塘二十二畝有奇租三十三石銀五十兩有奇

六合縣學在小東門外宋治平中初建城東臨河尋徙縣西高崗上建炎兵燹紹興十四年暫因藏經廢院爲學二十九年復卽高崗舊址修建紹熙四年知縣鄭縝拓之嘉定七年知縣劉昌詩重建元泰定二年縣尹平懿置祭器元末燬廢明洪武五年知縣陸梅卽舊基創立正統間知縣史思古黃淵相繼修葺成化五年知縣

唐詔加修正德九年知縣萬廷埕重建邑人許珊捐金
助焉嘉靖十年知縣茅宰建啟聖祠敬一亭十二年建
科第坊十四年教諭方錦建萊淇亭二十二年知縣黎
循典修兩廡建奎壁聯輝樓三十年知縣董邦政建祠
堂齋房號舍三十六年知縣宋鑒修啟聖祠隆慶二年
知縣章世貞建鄉賢祠敬一亭五年知縣董潤王南山
濬泮池以上學宮皆向南知縣李箴以彤家言改向西
南萬歷十年知縣陳載春重修三十三年知事何洛修
祭器推官介夢龍修右廡四十年知縣張啟宗重修崇
正十四年知縣秦煥然建明倫堂

國朝康熙六年知縣顧高嘉復改南向十一年知縣常在
改建明倫堂至三十四年知縣吳重光始徙於小東門
外面滁河是爲今之學宮五十二年知縣魏世泰修大
成殿文昌閣奎璧樓雍正四年知縣萬世良增高

聖殿造兩坊於櫺星門外乾隆二十二年知縣劉王瑗
及紳士重修改建大成殿祠廟三十八年知縣朱覲光
率紳士重修乾隆四十四年監生厲彭年又捐貲重修
嘉慶十二年邑人紀楠又捐銀一千兩倡修

文廟 崇聖祠在廟左 名宦祠在崇聖祠左 鄉賢
祠在崇聖祠右 教諭訓導宅在學宮右

學租嘉靖間御史鄭光琬入房稅銀二十三兩四錢有奇知縣茅宰邵漳教諭陳從表置田二十四畝又置田地七十六畝又置丈量多餘田地七十九畝每年額租以供本學給貧生之用租銀四十四兩八錢有奇

高淳縣儒學在縣治東通賢門外明宏治五年創建十一年應天府丞龔綺知縣劉傑治學宮邑人孔宏璋等助建正德七年明倫堂燬御史徐翼周鵠率知縣施懋重建並造學門外二橋嘉靖三年知縣劉啟東重修學宮建名宦鄉賢祠徙泮池於櫺星門內拓射圃建觀德亭五年建啟聖祠萬歷十二年知縣董良遂重建明倫堂十七年署知縣劉元泰重建

文廟及兩廡戟門廡舍二十六年知縣丁日近重修學

宮移泮池於櫺星門外繕東西兩橋三十二年知縣項維聰建屏牆邑人徐一范鄭宗泰捐貲建尊經閣三十三年建敬一亭於閣後

國朝順治十三年知縣紀聖訓重建

文廟學舍十八年知縣孟復生捐俸建尊經閣康熙二年教諭吉天助重修學宮十二年

文廟災十四年知縣劉澤嗣重建併修明倫堂暨門屏坊祠二十年教諭于鳳捐俸修祭器二十一年知縣李斯全重建兩廡二十七年教諭柳加恂重修學橋建石壩三十七年知縣游祿宜重修學宮五十八年署知縣

陳學良知縣趙暉重修學宮雍正元年知縣叢元燦趙
泗映重修正殿兩廡及櫺星門三年邑人邢綱捐資建
崇聖祠九年知縣朱鷺建屏牆乾隆十年邑人邢本岐
捐修大成殿兩廡及廚庫門坊十二年邑人邢本稷捐
建明倫堂及兩齋增造東西學舍階簷甬道左右禮門
十五年邑人邢復易等重建尊經閣敬一亭四十三年
邑紳趙同馥又捐資重修學宮嘉慶四年陳洪等捐修
大成殿孔廣英等捐修明倫堂葛榮等捐修尊經閣李
正彬等捐修東西兩廡韋英等捐修戟門谷運昌等捐
建櫺星門

文廟 崇聖祠在廟東 名宦祠在戟門左 鄉賢祠

在戟門右 教諭訓導宅在學宮右

學基地二十八畝有奇居民賃地納租

學田共二百七十九畝有奇張大

有捐田十五畝吳經第捐田三畝

山田四十九號孫周六捐孫氏辦糧以給祭胙

學山
四畝

書院社學附

鍾山書院在府城內舊錢厰地雍正二年總督查弼納
創建

世宗憲皇帝書敦崇實學匾額賜之十年

特頒諭旨賜帑金一千兩復加葺治乾隆元年續奉

上諭各省會書院倣朱子白鹿洞規條及分年讀書法總督尹繼善勒石堂上院長楊繩武爲之記安徽布政使晏斯盛援國學例請增學徒膳銀乾隆四十六年兩江總督薩載定書院規條院長詹事府少詹錢大昕定學約尊經書院卽縣學內尊經閣也閣在學後明代貯國學經籍及二十一史板

國朝因之嘉慶十年尊經閣燬二十一史板及三段碑落星石皆歸於燼前布政使康基田捐貲重建卽其地設書院閣後舊有土阜建亭其上

鳳池書院在縣學忠義祠後原名文會樓乾隆四十二

年改建

明道書院在鎮淮橋東北宋淳熙初畱守劉珙以明道先生常爲上元簿祀之學宮嘉定間改建新祠淳祐間郡守吳淵更創依白鹿洞規條聘名儒爲山長理宗賜明道書院額元廢明嘉靖初御史盧煥更卽今址爲書院祠祀焉歲久復圯

國朝康熙六年郡守陳公開虞修復之今亦廢

南軒書院在天禧寺方丈後本宋張宣公講習之地真西山先生建祠祀焉至元中遷於城東大德元年重建舊地今廢

江東書院在永安坊鹽倉街元郡人王進德建南臨秦
淮吳草廬先生常於其中講授生徒泰定元年定額曰
江東書院今廢

昭文書院在湖塾鎮卽太子臺宋咸淳中方拱辰匾曰
昭文精舍至元中改今額今廢

新泉書院在長安街明嘉靖初禮部侍郎湛若水建置
田數頃萬歷初廢

崇正書院在清涼寺東明提學御史耿定向建並置學
田今廢

文昌書院在府學成賢街舊國子監文昌閣也明萬歷

乙卯國學助教許令典創建

國朝順治間學博士朱謨暨學生鄭之璘白夢鼎董欽重修匾曰文昌書院

鷄鳴書院在府學東齋後

國朝嘉慶十年布政使康基田建十二年並於鳳池書院虹橋書院在盧妃巷康熙二十一年總督于成龍檄上下名士肄業其中今廢

以上上元江寧

句曲書院在句容縣治西明正統二年巡撫周忱建尋廢

三友書院在句容察院西嘉靖戊戌年令周仕建尋廢

江左書院在句容縣治東一里許邑人爲南畿學使過
成山建後廢祀並四賢祠中

華陽書院舊在句容察院東萬歷四十年學使熊廷弼
建

國朝康熙三十六年

聖祖仁皇帝

御書懷冰雪三字

賜學使張鵬翮因建

御書亭雍正十年後學使改駐金陵乾隆六年知縣宋楚望以
舊學使院知本堂爲華陽書院捐俸延師講學其中

以上

容句

中山書院在溧水北門外祀明兵部尙書齊泰知縣謝廷蒞置義田給其子孫在歸政鄉租銀一十八兩四分一釐六毫

高平書院在溧水學宮旁紳士捐建

國朝縣令凌世御爲之記

以上溧水

白馬書院在江浦縣東門外白馬寺左明知縣李維樾講學處今廢

新江書院在江浦縣治南祀定山先生莊景明禮部尙書湛若水建

江干書院在浦子口知縣余樞有碑記

以上江浦

六峯書院乾隆十一年六合縣知縣嚴森建

養正書院卽明邑令張啟崇之祠也乾隆十一年知縣

嚴森捐俸葺其前堂爲棠城小學

以上六合

高淳書院在縣治西北察院左明嘉靖四年知縣劉啟

東建卽今遺愛堂

以上高淳

上元江寧社學明洪武中每坊廂各建一區後漸廢嘉

靖中學使楊宜稍簡諸生堪教習者與爲社學師後又

廢萬歷中巡撫朱大器移文修復未幾遷去後無復舉

行者今除小民佃居者入租於官餘多不能考云

義學二區雍正元年建一在府學文廟後六年遷於縣學之青雲樓十一年復歸府學今廢一在龍神廟東六年遷於縣學忠義祠後復移龍神廟東上元監生高官佑請於有司捐貲增置

句容五城舊有社學曰篤信曰居仁曰執禮曰由義曰沉知明洪永間句容等一十六鄉俱立社學此五學爲首隆慶四年知縣張道冲改修南軒書院爲養蒙社學後廢

國朝乾隆十一年知縣趙天爵捐俸立四城社學延師教之龍潭亦有義學

溧水社學十一在崇儒坊唐橋巷南門內北門外邵邨
東巷邵邨倉西邵邨倉後柘塘市蒲塘街洪藍埠孔鎮
各一今俱廢

江浦社學在縣治右明知縣蕭育建李大潤修匾曰養
正

六合社學在縣治東明正德中捐其地於民別於四門
各建一區

高淳社學在賓陽門外五顯祠左卽今項公祠

高淳義學康熙二十一年李斯佺建

新修江寧府志卷之十七

武備

自古有文事必有武備所以示威稜以遏姦於未萌也
況江寧鉅郡跨江南北表裏形勝人物阜殷兵鎮固必
有以稱之矣略考古昔茲土設兵之強弱及今制法之
詳江防馬政皆附紀焉作武備志

金陵形勢有龍盤虎踞之稱自吳郡秣陵城石頭爲保
江之根本置營列戍逮晉南渡以至梁陳此地常爲京
輦守衛尤重大抵臺城之外前固石頭東府後倚白下
皆宿兵爲衛之要地也禁衛之兵謂之臺軍統兵者爲

左右衛將軍殿中將軍左右前後軍將軍而盡統禁衛者則中領軍也

中領軍爲禁衛中極尊之職故柳世隆爲中領軍王儉爲衛將軍猶修下官之

敬其餘重號將軍亦各有府置兵衛大抵出於召募矣至於州郡之兵循漢以來舊制料民爲卒總於都督州軍事而分於列郡故六朝以民兵募兵雜用其軍猥多而民瘁甚矣唐有天下置府兵散於天下而統隸京師諸衛江南道昇州有江寧軍則折衝府之一也然唐府兵之法至中葉已極敝壞故顏魯公於肅宗時爲昇州刺史知劉展將反預飭戰備都統李暉以爲生事譖而去之而其地遂旋被劉展之禍矣唐時率以潤州爲鎮

海軍節度使治所至南唐徐溫移鎮海軍治所於昇州
改昇州大都督府爲金陵後徐知誥爲鎮海寧國諸軍
節度使亦鎮金陵宋初廢節度使真宗乃置建康軍於
江寧府其節度使遙領爲名而已而文臣知江寧府者
曰知軍府事則頗統領其軍也至徽宗時以方臘之亂
知江寧府者加馬步軍都總管於是兵權加重矣宋初
以天子禁兵分守天下軍有指揮使不屬守土之官其
後禁軍衰弱有急則守吏別募至乾道七年移侍衛軍
馬六營屯於江寧城內每軍置統制以領之號行司紹
興十二年改屯於城之內外爲駐劄御前六軍每軍增

副統制一員以領之仍沿舊制有廂禁軍之設又別設靖安水軍寶祐四年馬光祖置沿江制置司六寨又置遊擊新寨十一寨並重修江東安撫司親兵寨又置淮西江東總領所總効軍寨四所於城之內外其兵則多矣而精銳殆寡也元置諸路萬戶府有上中下之分各設達魯花赤一員萬戶一員副萬戶一員建康爲下萬戶管兵三千以上其所屬有千戶百戶千戶府管軍七百以上中千戶管軍五百以上下千戶管軍三百以上明制提督漕運鎮守淮安總兵官駐劄其地其總督巡撫操江兵備以文臣監督總督稱軍門巡撫或稱提督

軍務皆兼理惟操江專督巡江其下有遊兵營駐劄新
江口自狼山至圖山與通泰合兵巡哨今裁歸督標又
禁衛設五軍都督府三十二衛指揮使司有畱守左衛
鎮南衛水軍左衛驍騎右衛龍虎衛龍虎左衛英武衛
龍江右衛瀋陽左衛瀋陽右衛隸南京左府畱守右衛虎賁
右衛水軍右衛武德衛廣武衛隸右府畱守中衛神策衛
廣洋衛應天衛和陽衛及牧馬千戶隸中府畱守前衛龍
江左衛龍驤衛飛熊衛天策衛豹韜左衛隸前府畱守後
衛橫海衛鷹揚衛興武衛江陰衛隸後府又親軍衛指揮
使司十有七金吾前衛金武後衛金武左衛金吾右衛

羽林左衛羽林右衛羽林前衛府軍衛府軍左衛府軍
右衛府軍後衛虎賁左衛錦衣衛旗手衛江淮衛濟州
衛孝陵衛與左府所屬十衛右府所屬五衛前府所屬
七衛後府所屬五衛並聽中府節制此諸衛所居不可
盡考然大抵居江寧者爲多衛各有倉今城中尙多存
其地諸衛始設固皆可戰之兵也至其數傳不可云兵
市人而已則今之運丁是也

國朝

鎮守江南江寧京口等處地方將軍一員

額馬二十匹

滿洲駐防自順治二年始設總國公二員梅勒章京二
員三年改設昂邦章京二員梅勒章京奉裁九年只設

昂邦章京一員十四年復設梅勒章京二員至十七年改昂邦章京為總管改梅勒章京為副都統十八年改總管為將軍

鎮守江南江寧等處副都統一員

順治二年設都統二員乾隆三十四年奉

旨裁汰一員統轄正黃鑲黃正白鑲白正紅鑲紅正藍鑲藍八旗都統額馬十五匹

協領八員

每員額馬八匹

佐領三十二員

每員額馬八匹

防禦四十員

每員額馬五匹

驍騎校四十員

每員額馬四匹

將軍衙門九品筆帖式三員

每員額馬四匹

以上大小官員一百二十五員外

鑲白旗世襲恩騎尉一員

領催二百四十名係每旗三十名每名額馬三匹其恩騎尉前鋒校前鋒馬甲馬數俱同至

砲手以下無馬

委署前鋒校十六名係每旗二名

前鋒一百二十八名係每旗十六名

馬甲二千八百六十三名鑲黃旗三百九名正黃旗三百八名鑲紅旗三百十二名

正白正紅鑲白正藍鑲藍五旗俱三百十名

砲手六十一名係鑲黃正黃二旗俱九名正紅旗八名正白鑲白鑲紅正藍鑲藍五旗俱七名

弓匠四十名係每旗五名

箭匠四十名係每旗五名

鐵匠四十名

係每旗
五名

步甲五百七十七名

係鑲黃正黃正紅鑲紅正藍五旗
俱七十二名正白鑲藍二旗俱七

十一名鑲白
旗七十名

養育兵一千五百名

係鑲黃正紅鑲紅三旗俱一百三
十名正白鑲白二旗俱一百三十

三名正黃正藍二旗俱一百三
十一名鑲藍旗一百三十二名

以上大小甲兵四千六百六十六名

各官共額馬七百五十九匹內現拴四百匹歲需俸薪

餉乾銀十四萬五千五百八十八兩米十三萬三千九

百四十五石豆十一萬七千五百二十七石草七百五

萬一千三百二十束

其兵額馬八千五百八十九匹現拴馬二千八百六十三匹除留備操防外向在安徽太平府屬當塗蕪湖二縣境內萬春湖牧放春夏湖水漲發撤回則在神烈山一帶牧放

雍正五年二月初六日奉

旨水師甚屬緊要現今天津設立水師滿洲官兵操練學習其江寧駐防滿洲官兵亦應照天津水師之例設立水師操練鎮江水師現有船隻將此船內酌量撥給江寧將軍令其學習操練至如何操練應撥給船隻若干或船隻不敷作何添造之處爾部一併定議具奏欽此

兵部議江寧地方控江連海設立水師甚有裨益應將江寧滿洲蒙古官兵照天津水師例設立水師其江寧駐防八旗滿洲蒙古馬兵四千名應選年力精壯者撥一千名設爲水師派協領四員佐領防禦驍騎校各十二員管轄每年春秋在大江學習操練並鎮江將軍標下有唬船四隻沙船七十六隻每船各設磨盤砲一位子母砲二位百子砲四位捕盜舵工等項水手各十六名今江寧既設水師應將鎮江所有沙船勻配大小二十隻并捕盜舵工等項水手磨盤子母百子等砲一併撥給江寧將軍仍令食原餉銀米同滿洲兵丁學習操練再於鎮江水師營內揀選熟識水性千把四員遇操練時令其前往江寧分配八旗教習操練至操畢時同任俟滿洲誦練之日停其教習此教習操練每船分配滿洲官一員兵二十五名分爲兩班若量船之大小宜增減官兵處該將軍等酌量增減分配將軍等不時巡看操練再大江中停泊船隻最爲緊要應行令該將軍等會同江南總督勘定可以停泊之處加緊停泊奉

雍正九年十一月二十二日奉

上諭朕因各省駐防兵丁技勇多屬生疏營伍亦覺廢弛所養馬匹多不足額其中漢軍爲尤甚已於今年八月閒先行曉諭申飭俟明年春月各差科道等官前往查看倘仍不悛改嚴加議處朕思營伍廢弛兵丁怠惰之習若該管官弁等果能實心整頓訓練數月之內即可改除惟是馬匹不敷額數若責令一時購買足額或至馬價昂貴兵丁力量艱難況於南方諸省平時旣難喂養而一時急切買補又較難於北方著該將軍等酌量稍爲變通現養幾匹其所少者存價於官一有調遣即可購買應用不致遲誤公事此朕格外體恤之特恩若再奉行不力一經查出弁兵等俱不寬貸特諭欽此

總督江南江西軍務部院軍門

駐劄江寧府順治二年設經略招撫內院大學

士後改總督轄江南河南江西湖三省六年改轄江南江西二省康熙元年裁操江都御史歸併兼管十三年改

專轄江南一省二十一年復轄江南江西二省兼轄安慶遊兵二營

中營

順治五年設舊額副將一員守備一員千總二員把總四員馬戰兵二百九十七名步戰兵八十八

名守兵五百八十五名官坐馬二十八匹戰馬二百九十七匹渡馬淺船六隻康熙二十四年改馬戰兵一百十五名為步戰兵裁戰馬一百十五匹二十四年裁步戰兵三十三名戰馬六匹三十五年裁步戰守兵八十七名三十八年裁守兵二百五十名赴黃河雍正二年撥守兵十一名入太湖營五年撥守兵六名入蘇州營七年添設外委千把總六員八年撥千總一員坐馬二匹入泰州營

副將一員都司一員千總一員把總四員外委千總二

員把總四員

俱駐江寧城內額外外委六員

馬戰兵二百三十二名步戰兵二百八十六名守兵一百七十八名官坐馬二十六匹戰馬二百三十二匹渡馬淺船六隻歲需俸薪餉乾連閏一萬四千一百四十六兩五錢七分六釐零共支兵米二千五百零五石六斗外設火藥局匠六名每名每年口糧三石六斗

左營順治五年設舊額遊擊一員守備一員千總二員把總四員馬戰兵二百九十八名步戰兵八十七名守兵五百八十五名官坐馬二十二匹戰馬二百九十八匹渡馬淺船五隻康熙二十四年改馬戰兵一百一十五名爲步戰兵裁戰馬一百一十五匹二十六年裁馬戰守兵三十三名馬六匹三十五年裁戰守兵八十七名三十八年裁守兵二百五十五名雍正二年撥戰守兵七名入太湖營五年撥守兵六名入蘇州營七年添設外委千把總六員八年撥守兵四名入泰州營城守左營都司經管聚寶通濟正陽太平五門共設門禁十名

門軍四
十名

遊擊一員中軍守備一員千總二員把總四員外委千

總一員把總四員

俱駐江寧城內

馬戰兵二百一十名步戰兵二百三十六名守兵一百

六十三名官坐馬二十二匹戰馬一百七十七匹渡馬

淺船五隻歲需俸薪餉乾連閭銀一萬三千五百八十

三兩六錢六分四釐零米二千一百九十二石四斗

雍正六年總督范時繹疏兩江地方沿海營汛多係水師所用軍器以火器爲主演放鎗砲足以致遠至大刀藤牌鈎鐮鎗銃斧標鎗鐵彈等件亦利水師之用無庸酌議其陸路兵丁所用軍器有三眼銃長鎗三眼銃雖係火器不能致遠長鎗遇有險狹地面不能旋轉任使嗣後將三眼銃改爲鳥鎗長鎗改爲藤牌俾器械一式

操演相同庶通省兵丁分之則技藝各精合之則隊伍一體不論山險川平皆可相資爲用得

江寧城守副將統轄七營

府內左右奇浦溧五營屬江寧府地方其瓜洲青山營係揚

州府儀徵江都鎮江府丹徒地方再遊兵乃江寧揚州二府屬

左營

順治三年設屬江寧提督管轄十六年提督撤歸設總管統轄仍屬提標十八年提督移駐松江屬

總鎮統轄康熙七年改設副將兼轄浦口溧陽二營舊額遊擊一員守備一員千總二員把總四員馬戰兵二百八名步戰兵五十八名守兵三百七十七名官坐馬三十四匹戰馬二百八匹二十四年改馬戰兵十名爲步戰兵七十三名爲守兵裁馬八十三匹二十六年裁馬步戰守兵二十三名馬四匹三十五年裁步戰兵二十四名雍正二年撥步戰守兵十名入太湖營五年撥馬戰守兵六名戰馬一匹入蘇州營七年添設外委千把總六員八年撥安慶營所轄奇兵瓜洲二營歸本標兼轄

副將一員中軍守備一員都司一員千總二員把總四

員外委千總二員把總四員

俱駐江寧城內

馬戰兵九十八名步戰兵四十名守兵三百六十一名
坐馬三十四匹戰馬九十八匹歲需俸薪餉乾連閏銀
一萬一千六百九十五兩七錢六分四釐零每歲支兵
米一千七百九十六石四斗

是營防守上元江寧二縣地方

上元縣汎地墩堡四十六處江寧縣汎地

墩堡二十四處

右營

順治三年設康熙七年歸協標統轄舊額遊擊一員守備一員千總二員把總四員馬戰兵二百八

名步戰兵五十八名守兵三百七十七名官坐馬二十二匹戰馬二百八匹二十四年改馬戰兵十名爲步戰

兵七十三名爲守兵裁馬八十三匹二十六年裁馬戰
守兵二十三名馬四匹三十五年裁步戰兵二十四名
雍正二年撥步戰守兵十名入太湖營五年撥馬戰守
兵六名馬一匹入蘇州營七年添設外委千把總六員
十年遊擊改設都司城守右營經管三山石城儀鳳定
淮神策五門內除定淮一門係左右營九門輪派只四
門共設門禁一百八
名門軍三十三名

都司一員中軍守備一員千總二員把總四員外委千

總二員把總四員

俱駐江寧城內

馬戰兵九十七名步戰兵四十名守兵三百六十一名
官坐馬二十二匹戰馬九十七匹歲需俸薪餉乾連閏
銀九千九百兩零一錢二分八釐米一千七百九十二
石八斗

是營防守上元江寧二縣地方上元縣汛地墩堡二十七處江寧縣汛地

墩堡五十六處

遊兵營順治初設屬操撫標下康熙元年操撫裁本營歸併總督兼管舊額遊擊一員守備一員千總

二員把總三員馬戰兵二十六名步戰兵一百二十六名守兵五百八十九名官坐馬二十匹戰馬二十六匹

大唬船一隻小唬船二十七隻三十五年裁步戰兵二十八名雍正二年裁步戰守兵六名五年裁步戰守兵

七名七年添設外委千把總五員

遊擊一員中軍守備一員千總二員把總三員外委千

把總二員把總三員哨官二員

馬戰兵二十六名步戰兵九十六名守兵五百七十八

名官坐馬二十匹戰馬二十六匹大唬船一隻小唬船

二十七隻歲需俸薪餉乾連閏一萬六百八十四兩二錢四分五釐零米二千七百三十石

是營管守江寧縣汛地墩堡止二處餘管和州無爲州含山桐城銅陵繁昌蕪湖當塗南陵青陽二州八縣汛地墩堡共五十二處

奇兵營

順治初額設屬操江標下後隨操撫赴皖駐防改爲太平右營十六年復設康熙元年裁操江

歸併督標安慶營統轄舊額遊擊一員守備一員千總二員把總三員哨官二員馬戰兵二十名步戰兵一百五十五名守兵六百二十五名官坐馬二十匹戰馬二十匹號船二十三隻二十二年裁馬步戰守兵三十二名馬三匹二十六年裁步戰守兵二十七名三十五年裁步戰兵二十八名雍正二年撥戰守兵六名入太湖營五年撥步戰守兵七名入南匯營七年添設外委千把總五員八年改歸江寧協鎮統轄十三年添設守備

一員馬戰兵二十名步戰兵三十名守兵五十名馬二十匹

遊擊一員駐劄儀徵縣守備二員一駐劄儀徵縣一駐劄青山頭千總二員

一駐防江寧縣新江口把總三員一駐防新江口一換防儀徵縣舊江一換

防儀徵縣外委千總二員把總三員協同經制千把總防守哨官

黃泥灘二員一巡防左哨江汛一巡防右哨江汛

馬戰兵十三名步戰兵一百一十一名守兵五百一十

二名官坐馬二十五匹戰馬十三匹巡哨船十七隻歲

需俸薪餉乾連閏銀一萬零六百兩二錢九分四釐零

米二千二千二百八十九石六斗

是營防守上元江寧句容江浦六合五縣地方兼管

丹徒儀徵二縣

地墩堡十處句容縣汛地墩堡五處

江浦縣汛地墩堡九處六合縣汛地墩堡八處兼管丹徒儀徵墩堡五十一處

浦子營

順治二年設立總兵三年改副將七年改參將康熙十六年改守備舊額守備一員千總一員

把總二員馬戰兵五十五名步戰兵四十八名守兵二百八十名官坐馬十匹戰馬五十五匹雍正二年撥步戰守兵三名入太湖營五年撥守兵四名入南匯營七年添設外委千把總三員十年守備改設都司僉書

都司僉書一員

駐防江浦縣浦口

千總一員

駐防江浦六把總合二縣地方

二員

一駐防來安縣一駐防全椒縣

外委千總一員把總二員

協同經制千把

總防

馬戰兵四十七名步戰兵七十五名守兵二百五

十七名官坐馬十匹戰馬四十七匹歲需俸薪餉乾連

閏銀七千零八十三兩七錢七分六釐零米一千三百

六十四石四斗

是營防守江浦六合二縣兼管滁州來安全椒地方

江浦縣汛地墩堡七處六合縣汛地墩堡六處滁州來安全椒十五處

溧陽營

順治三年設副將七年改參將康熙十三年改守備舊額守備一員千總一員把總二員馬戰

兵三十名步戰兵七十二名守兵二百四十三名官坐馬十四匹戰馬三十匹二十四年裁馬步戰兵二十四名馬步戰兵二十四名裁馬步戰兵二十四名馬步戰兵二十四名

都司僉書一員

駐防溧陽縣

千總一員

駐防高淳縣

把總二員

駐

防溧陽縣一員

外委千總一員把總二員

協同經制千額

外外委二員

馬戰兵連外委三十三名步戰兵六十二名守兵二百
八名官坐馬十匹戰馬三十三匹歲需俸薪餉乾連閏
銀五千七百六十七兩零一分六釐米一千零九石八
斗

是營防守溧水句容高淳三縣地方兼管溧陽

溧水縣汛

地墩堡四處句容縣汛地墩堡八處
高淳縣汛地墩堡五處溧陽十處

江防

大江南岸經太平府當塗縣博望山而東入郡界其要
地有九曰慈姥山在江寧縣西南一百十里方輿紀要
云積石臨江崖壁峻絕齊建元初置軍於此以備魏曰

馬家渡在縣西南九十五里卽今和州鮎魚嘴至慈湖之江渡古江中洲曰馬家洲洲內江曰礪沙夾宋呂祉曰礪沙夾江面狹於采石捨舟登岸平原曠野此騎兵之地葉適曰馬家渡與采石相去六十里采石江濶而險馬家渡江狹而平舊志云礪沙夾在府西南七十里與馬家渡相接按古建康北江中之洲其形甚長殆可渡南岸必西上歷陽至采石乃過及南宋言邊防者始以馬家渡爲衝要蓋其地江洲爲洪濤崩削中斷數十里非復六朝之江形矣曰烈山在縣南七十五里臨大江輿地志吳時津濟處也齊建元初置軍於此以備魏曰江寧鎮在縣南六十里呂祉曰此太平入建康水陸之衝關係

至重曰三山在縣西南五十七里輿地志三山周迴四里大江從西來勢如建瓴此山笑出當其衝有三峰南北相接積石森鬱濱於大江吳時津戍處也齊建元初亦置軍於此以備魏曰大勝關在縣西南三十里方輿紀要云其地卽大城鎮有大城港合板橋新林等浦之水入江爲江流險阨處旁有壠阜亦曰大城岡宋置巡檢寨紹興二年復置烽火臺曰新江關在上元縣西北十二里方輿紀要云關在江東門外北出中新河渡江二十里達浦子河口明世江防治中駐焉呂祉曰自吳以來石頭南上至查浦查浦南上至新亭新亭南上至

新林新林南上至板橋板橋南上至洲洲陸有城阜水

有舟楫建康西南面之險也

按古之新亭去石城不遠而臨江今江徙出地不臨

江而新亭之迹亦泯新林略當今之大勝關也

曰燕子磯自新江關而東過郡

城之北巨洲橫其外幕府白石峻山蔽其內此形勢之

固也江又東下至燕子磯則山嶂與洲俱盡北對六合

之瓜步此又江防之要矣又東北則攝山又東北則龍

潭之蜀港曰龍潭鎮在句容縣北六十里明初置巡司

兼設水馬驛遞歲積倉於此爲濱江要害其下之水通

江者曰蜀港西南至江寧九十里東北至鎮江府六十

里方輿紀要云下蜀港俗呼爲官港宋紹興十一年虞

允文駐京口命張深守滁河扼大江之衝以苗定駐下蜀爲援卽此地也江過此出郡東北界入鎮江丹徒境矣其江之北岸則自和州烏江鎮入郡江浦界東至浦口城南舊志云宣化鎮在六合縣南六十里舊有晉王城相傳晉王廣所築蓋卽當今之浦口矣又東六十里曰瓜步山在六合縣東二十五里渡江至南岸二十里又沿江西南行二十五里卽觀音門滁河於此出江爲歷代屯戍之處鮑明遠云瓜步亦江中之眇小山耳徒以因迫爲高據絕作雄臨清瞰遠擅奇含秀亦居勢使之然也古瓜步臨江今沙漲瓜步至江口二十里江又

東北至揚州儀徵四十里

國家以江防同知主察江津盜賊建設防江營汎南岸起

江寧縣烈山汎

西南與當塗縣汎接界

東北五里至白廟汎二汎

係遊兵營右哨把總管轄又五里仙人磯汎又五里河口汎又五里犢兒磯汎又五里三山汎又二十里大勝關汎又二十里雙閘汎又十五里鎧璣溝汎又五里上河簾灣汎八汎係奇兵營左哨把總管轄又五里新江口汎又十五里草鞋夾汎二汎係奇兵營左哨千總管轄過此入上元縣界起七里洲汎東北三十里至燕子磯汎又五里傅家溝汎又十里草堂寺汎四汎係奇兵

營左哨千總管轄又十里朱家嘴汛又十里九分塘汛
二汛係奇兵營右哨把總管轄又十里北江邊汛又五
里三江口汛又十里栢家閘汛三汛係奇兵營右哨千
總管轄過此入句容縣界起螺螄溝汛東北二十里至
天寧洲汛又七里坎潭橋汛

東北與丹徒
縣汛接界

三汛係奇兵

營右哨把總管轄三縣共列二十四汛計程二百三十

五里北岸起江浦縣響水套汛

西南與和州汛接界隔
岸直江寧縣三山汛

東北十里至公子洲汛又十里西江汛又十里黃瓜隴
汛又十里楊四廟汛五汛係奇兵營左哨把總管轄又
十里浦口汛過此入六合縣界起浦山汛東北十五里

至高埂頭汎又十里急水溝汎又十里王家溝汎又十里二套口汎六汎係奇兵營左哨千總管轄又五里田家橋汎又五里沙洲嘴汎又十里段腰口汎又十里瓜步汎又十里西溝汎

東北與儀徵縣汎接界

五汎係奇兵營右哨

把總管轄二縣共列十六汎計程一百三十五里

馬政

南方天暑熱而地卑溼畜馬孳生非所宜也然而古有爲是謀者偏安之世不得已之策也明太祖旣一天下而猶令南畿畜牧卒爲民害久亦廢之此其利弊固可考矣晉江左省太僕官侍御史置庫曹掌厰牧

按方輿紀要順

天府北二十里有馬印洲周二梁置太僕卿統南牧左
十里晉元帝渡江初牧馬地也右牧龍廐內外廐宋既南渡先是蜀中買馬歲付鎮江
牧之紹興十九年正月分送江上諸軍仍立賞罰詔馬
五百匹爲一監牡一而牝四之監分四羣歲產駒及三
分及斃二分以上者有賞罰市馬南於邕管西於岷黎
迨景定間沿江制置使姚希得勅買戰馬議於是撥一
百萬貫專委都統趙紀祥收買戰馬以備調用越三年
希得去任後制使馬光祖踵之建馬寨遂度地建康南
門之外曰沙井者爲寨以謂河許近則浴之易芻茭便
則飼之勤列楹一千有四廩糴錢一十一萬五千有奇

米八百二十三石有奇後省劄令每寧江軍一千人以

二百人爲騎軍寧江前軍馬六百二十八匹後軍亦六

百二十八匹江上兩軍共馬一千二百五十六匹此南

宋江津畜馬之數矣明洪武初建都金陵令應天及太

平鎮江廬州鳳陽揚州六府滁和二州民牧馬六年設

太僕寺於滁州統於兵部後增滁陽五牧監領四十八

羣兼置草場於湯泉屬江浦縣原設草場六處後增五

牧鄉曰號岡場王村場白馬鄉曰龍洞場白篠場任興

鄉曰高塘場茅塘場豐城鄉曰苜蓿地場馬廠場孝義

溝場既而以監牧歸有司專令民牧江南十一戶江

北五戶則養馬一復其身始曰戶馬既曰種馬太僕官

督理歲正月六月報定駒七月至十月報顯駒十二月報重駒歲終考馬政以法賞罰府州縣官吏至成化二年以南土產馬少改徵銀是時民漸苦養馬六年吏部侍郎葉盛言向時歲課一駒而民不擾者以芻牧地廣民得爲生也自豪右莊田漸多養馬地漸不足洪熙初改兩年一駒成化初改三年一駒馬愈削民愈貧請敕邊鎮隨俗所宜凡可以買馬足邊軍民交益者便宜處置初明祖起江左所急維馬屢遣使市於四方正元壽節內外藩封將帥皆以馬爲幣外國土司番部以時入貢朝廷每厚加賜予所以招攜懷柔者備至自後狃於

承平駕馭之權失馬無外增惟恃孳生歲課當元末兵火之後土荒地廣猶便放牧至承平久田闢而馬場不得不削重以官吏侵漁牧政荒廢軍民交困矣

國初乃除種馬弊政市馬於西北口外孳牧於陝甘轉遼南省江寧駐防及綠營官坐馬戰馬胥歸本營官兵牧養無累於民豆草銀費向藩庫支領凡購買營馬至口外者咨部給票至鄰省者咨所市地方督撫按數印烙給照營馬報斃歲不得過十分之三馬役三年可報斃未及期斃者責賠官兵每月朋扣俸餉餘銀解藩司馬關動支買補歲終奏銷芻牧之數具冊報部諸營有牧

場者依界植柳編籬或掘溝爲限如越境蹂躪禾稼兵論如律本管官例有降罰

額設馬數駐防官坐馬將軍二十匹副都統十五匹協領每員十二匹佐領每員八匹防禦每員五匹驍騎尉每員四匹筆帖式每員四匹江寧駐防各官共坐馬七百五十九匹駐防戰馬領催每名三匹前鋒校前鋒馬甲每名均如領催江寧駐防兵共戰馬八千五百八十六匹官坐戰馬每匹均歲支折豆草銀九兩二錢八分二釐其牧地在安徽太平府當塗蕪湖二縣境內之萬春湖牧放至夏令湖水漲發撤回在上元縣界之神烈

山一帶牧放

額設綠營官坐馬副將十二匹遊擊六匹都司四匹千
總把總均二匹江南督標中營各官共二十六匹左營
共二十四匹江寧城守左營共三十二匹右營共十六
匹奇兵營共二十匹浦口營溧陽營均共十匹綠營戰
馬督標中營二百三十二匹左營二百一十一匹江寧城
守左營九十八匹右營九十七匹奇兵營十三匹浦口
營四十七匹溧陽營三十三匹官坐戰馬每匹均歲支
折豆草銀十一兩二錢四分